



Publicaziuns dalla vischnaunca, jamna 10

Damondas da baghegiar

2021-1010.000

Datum dalla publicaziun: 12 da mars

Il patrun: Salins Invest AG, Via Salins, 7188 Sedrun

Object: Engrondaziun e sanaziun dalla habitaziun el plaunterren, edifeci nr. 37, parcella 886, Via Cavardiras 8, 7180 Disentis/Mustér

2021-1012.000

Datum dalla publicaziun: 12 da mars

Il patrun: Edwin Deflorin-Rainolter, Gassa da Cuoz 21, 7186 Segnas

Il representant: Casatec SA, Via dalla Stampa 8, 7180 Disentis/Mustér

Object: Remplazzament dil scaldament d'ieli entras ina pumpa da calira cun sondas geotermicas, parcella 1216, Gassa da Cuoz 21, 7186 Segnas

Protestas:

Ils plans da construcziun ein deponi tier l'administraziun communal. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 12 da mars 2021

Uffeci da baghegiar Disentis/Mustér

Lubientschas da baghegiar

L'istanza da baghegiar ha concediu suandontas lubientschas da baghegiar:

Nr. 2018-1031.000

Vischnaunca Disentis/Mustér, Via Cons 2, 7180 Disentis/Mustér; senda nova Cuolm da Vi-Stgeinas, parcelas 1806 e 2541, 7180 Disentis/Mustér.

Nr. 2020-1063.000

Recal SA, Via dalla Stampa 8, 7180 Disentis/Mustér; lubientscha posteriura – postar ina barriera, parcella 3626, Via Lucmagn 24, 7180 Disentis/Mustér.

Nr. 2020-1065.000

Vischnaunca Disentis/Mustér, Via Cons 2, 7180 Disentis/Mustér; midada d'intent – object militar historic, parcella 2364, Ragisch, 7183 Mumpé Medel.

Nr. 2021-1001.000

Linus Jacomet, Via Alpsu 10, 7180 Disentis/Mustér; midada da diever dalla tegia da mises, parcella 2423, Prau Su, 7183 Mumpé Medel.

Disentis/Mustér, ils 12 da mars 2021

Uffeci da baghegiar Disentis/Mustér

Administraziun communal

Muort il firau local da **Sogn Giusep** resta l'administraziun communal **serrada venderdis, ils 19 da mars 2021**. Bien engraziament per Vossa capientscha.

Administraziun communal



Scola da musica Surselva

La Scola da musica Surselva porscha il suandont cuors: **Disentis/Mustér** (scolasta Gabriela Tambornino)

Ritmica per affons pigns

(annadas 2015 e 2016)

Nus cantein e sunein ella gruppa adina mardis dallas 14.30–15.20 ell'aula dalla casa da scola a Disentis/Mustér

23-3 / 30-3 / 6-4 / 13-4 / vacanzas da primavera / 4-5 / 11-5 / 18-5 / 25-5-2021

Bugen spitgein l'annunzia tochen **ils 19-3-2021**.

Formulars ed ulteriuras informaziuns (era pusseivel online) www.bzs-surselva.ch 081 926 25 10 / admin@bzs-surselva.ch

Center da formaziun Surselva CFS

Preavis serrada da vias d'uau

Las maluras digl october vargau han caschunau donns vid differentas vias d'uau. Las reparaturas succedan la primavera/stad 2021. Duront il temps da construcziun ston ils tschancuns pertuccai vegnir serrai per tut traffic. Las restricziuns e serradas dallas vias en detagl vegnan publicadas el «Fegl official» entgin temps avon che las lavurs vegnan exequidas. Suandontas vias e loghens ein pertuccai:

Via Run – Plaun Tir
Val da Crappa, Val Mala, Truaisch – Tir
Via Runca, Cavardiras – Caischavedra
Val Runtget entochen Aclas da Cavardiras
Via Plaun Menisch
Fontanettas – Pardi
Via Cavorgia Sura
Mises Las Cavorgias – Camaher – Riada
Via Fontaunas
Clavadias – Fontaunas

Nus supplichein da prender enconuschientscha da quests preavis. Bien engraziament per la capientscha.

Disentis/Mustér, ils 5 da mars 2021

Uffeci forestal Disentis/Mustér

Cuntinuaziun dils «Cafés rumantschs» virtuals

Naven dils 8 da mars cuntinueschan las purschidas dils «Cafés rumantschs» virtuals. Las purschidas sursilvanas dat ei mintgamai il gliendisdis, alternont inaga allas 20.00 e l'autra ga allas 16.00:

8-3-2021, 20.00–20.45, cul hosp Remo Arpagaus ed il focus Flurin Camathias

15-3-2021, 16.00–16.45, tematica: ils segns dil zodiac

22-3-2021, 20.00–20.45, cul hosp Cornelia Vinzens ed il focus sin siu cudisch «Nus savevan da nuot auter»

29-3-2021, 16.00–16.45, tematica: primavera

Per separticipar supplichein da s'annunziar via www.curs.ch/cafe-rumantsch. La purschida ei gratuita. Ulteriuras informaziuns anfleis via www.liarumantscha.ch. Leu anfleis era in'instrucziun per duvrar il program Zoom ed ulteriuras informaziuns. Attenziun: Ils plazs pils «Cafés rumantschs» ein limitai.

Nus selegrein sin Vus.

Lia Rumantscha



Apparat d'udida

Gliendisdis, ils 15 da mars 2021 saveis Vus schar schubergiar e rugalar Vies apparat d'udida:

9.15–10.30 en Casa sogn Martin a Trun
11.00–11.45 en Casa sogn Giusep a Cumpadials
13.15–14.30 el Puntreis, Center da sanadad a Mustér

Dunna Giger dalla firma Amplifon e signur Gfeller dalla firma Jäggi sorprendan communablamein quei survetsch gratuit per tuts interessents. Ei drova negina annunzia.

«Food-Scarnuz»

Kostenlose Abgabe von Lebensmitteltaschen

Um in der Coronapandemie eine Sofortnothilfe anzubieten, haben Pro Junior Graubünden und der Rotary Club Chur-Herrschaft das Projekt «Food-Scarnuz» organisiert. Wir geben kostenlos Taschen mit Lebensmitteln an Personen ab, welche in finanzielle Not geraten sind. Ohne Prüfung, anonym, keine Nachweise, ohne Registrierung. Einfach vorbeikommen und eine Tasche pro Familie abholen. Die Abgabe findet noch **bis und mit 1. April 2021** jeden Donnerstag von 9.00–11.00 Uhr statt. In Ihrer Region sind es folgende Abgabestellen:

Post Vella, «Pizzeria Da Stefano» Trun, Pforte Kloster Disentis.

Personen aus der ganzen Region dürfen gerne vorbeikommen. Zusätzlich helfen wir auch mit der finanziellen Corona-Soforthilfe.

Uniun da Giuseppas e Giuseps, Disentis/Mustér

Preziadas commembras, preziai commembers

La situaziun actuala da Corona lai era uonn buca tier da menar atras la radunonza generala da nossa uniun dils **19-3-2021**. Sco igl onn 2020 stuein nus ussa gia per la secunda gada desister da menar atras nossa usitada sentupada da Giuseppas e Giuseps. Muort quella situaziun ha la suprastonza dall'uniun decidiu da stuschar la radunonza generala da 2021 sin ils **19-3-2022**.

La suprastonza giavischa a Vus in bien temps e stei sauns!

Cordials salids
la suprastonza

Biblioteca populara Disentis/Mustér e contuorn

Per la biblioteca valan naven dils **12-3-2021** puspei las uras d'avertura usitadas:

gliendisdis	18.30–20.00
mardis	13.30–15.00
gievgia	16.00–17.30
venderdis	18.30–20.00

La biblioteca digitala, www.dibiost.ch, ei adina aviarta. Ulteriuras infos sut www.biblioteca-disentis.ch.

Nus selegrein sin Vossa viseta.
Il team dalla biblioteca